



Broj: 02-05-1-1250/14
Datum, 15.07.2014.godine

Na temelju člana 18. Statuta Općine Maglaj («Službene novine Općine Maglaj »,broj: 8/07, 3/08 i 6/08) i člana 108. Poslovnika o radu Općinskog vijeća («Službene novine Općine Maglaj»,broj; 2/09 i 1/13), Općinsko vijeće Maglaj na 2. Vanrednoj sjednici održanoj dana 15.07.2014. godine, usvojilo je

Z A K L J U Č K E

- 1. OV Maglaj zahtjeva da se odmah izvrši revizija evidencije jedinstvene baze podataka, svih poplavljenih stambenih jedinica.**
- 2. Konačno objaviti spiskove svih datih donacija građanima, spiskove prikupljenih sredstava (novčanih i materijalnih) spremnih za podjelu, i dalju podjelu vršiti javno i transparentno uz prethodnu najavu građanima i dalje stalno ažurirati spiskove donacija. Spiskove objaviti na web stranici općine maglaj.net-u, oglasnoj tabli zgrade Općine, na najmanje dva oglasna mjesta na području grada i na oglasnim tablama po mjesnim zajednicama ono što se tiče konkretno mjesnih zajednica.**
- 3. OV Maglaj predlaže da Općinski načelnik odmah sazove zajednički sastanak sa predstavnicima Medžlisa IZ Maglaj, «Merhameta, «Crvenog križa» «Caritasa», pravoslavne i katoličke crkve, kao i drugih organizacija koje vrše raspodjelu humanitarne pomoći na području općine Maglaj. Na ovom sastanku tražiti punu saradnju u narednom periodu, a što bi podrazumijevalo da se koriste isključivo podaci iz jedinstvene baze podataka, te u istu unosi šta je koja od naprijed navedenih organizacija i institucija podijelila građanima, kako se ne bi dešavalo da jedan građanin dobije pomoć od dva ili više naprijed navedenih subjekata, a neko nikakvu pomoć. Da se uradi program za praćenje podjele humanitarne pomoći u novcu, građevinskom materijalu, namještaju i sl. da se podaci unose i informatički obrađuju.**
- 4. OV Maglaj traži da Općinski načelnik izađe sa saopćenjem u kojem će reći da postoje nepravilnosti u raspodjeli humanitarne pomoći, ali da je uzrok te nepravilnosti raspodjela humanitarne pomoći organizacija i udruženja koje istu dijele bez evidencije iz jedinstvene baze podataka i bez povratne informacije Općini u kojoj će biti navedeno kome i koja vrsta pomoći je dodijeljena, kako bi se ta pomoć evidentirala.**

5. **OV traži da se odmah obustavi podjela humanitarne pomoći u hrani i drugim robama dok se ne izvrši revizija evidencija u jedinstvenoj bazi podataka, te da se u narednom periodu podjela svih vidova humanitarne pomoći vrši jednom u 10 dana, kako za područje Maglaj grada, tako i za mjesne zajednice i to samo onim licima čiji su stambeni objekti oštećeni ili uništeni u poplavama i klizištima.**
6. **Za objekte uništene ili oštećene klizištem i za stambene objekte koji su iseljeni zbog klizišta, tražiti sredstva i načine za rješavanje stambenog pitanja i postupiti na isti način kao što je to urađeno u slučaju klizišta „Suljakovići“ i sa istim kriterijima i približno istim iznosima isplate novčane naknade.**

Za vlasnike kuća koji imaju svoje zemljište i imaju donatora koji će izgraditi stambeni objekat, donijeti odluku o oslobađanju svih naknada koje se plaćaju kod izgradnje stambenog objekta i koji su izvorno općinski prihoda.

Za vlasnike kuća koji nemaju svoje zemljište za izgradnju, a postoji donator koji želi graditi stambeni objekat ili donirati kompletan građevinski materijal postupiti kao u prethodnom stavu u slučaju da se riješi problem zemljišta. U naseljenim mjestima gdje postoji zemljište u općinskom vlasništvu i ukoliko nema smetnji za dodjelu istog, dodijeliti parcele od cca 250 m² za izgradnju.

Za građane kojima su kuće potpuno uništene i kojima bude obezbjeđen građevinski materijal za izgradnju stambenog objekta, bez obzira na donatora građevinskog materijala, obezbijediti dio novčanih sredstava za izvođenje građevinskih radova.

7. **Stalno upućivati apel za pomoć u novcu i građevinskom materijalu.**
8. **Rukovodilac Odjeljenja za geodetske i imovinsko pravne poslove dužan je utvrditi da li u n/m koja su ugrožena klizištem postoji zemljište u državnoj svojini – vlasništvo Općine Maglaj**
9. **Sugeriše se Općinskom načelniku da putem Biroa za zapošljavanje i preko programa upošljavanja angažuje stručnu radnu snagu, te po mogućnosti iz reda onih koji su završili volonterski staž, a koji su se istakli svojim radom i znanjem, angažovati na poslovima procjena šteta i aktivnosti koje će se voditi u skladu sa planom sanacije šteta nastalih poplavom i klizištima, a koji je potrebno uraditi što je prije moguće.**
10. **OV je stava da prioritet u sanaciji šteta imaju stambeni objekti građana, te Javne ustanove i Javna preduzeća.**
11. **Bez obzira na sve probleme u kojima se nalaze građani i općina, život ne smije stati ni u jednoj oblasti, a ovo posebno odnosi se i na obezbjeđenje kontinuiteta u radu JU I JP.**
12. **Svi privredni subjekti, bez obzira na maksimalan angažman koji će uložiti Općina, vezano za sanaciju šteta koje su pretrpjeli, treba da se i sami angažuju i pomoć traže od nadležnih Ministarstava svih nivoa vlasti i putem svojih strukovnih udruženja, komora i sl., što će doprinijeti većem stepenu normalizacije ukupnog života, da što prije stave u funkciju svoja preduzeća, obrte i dr.**

13. Općinsko vijeće predlaže da se računi KJD za odvoz smeća i isporuku vode za ova dva mjeseca (maj-jun) fakturišu Općini kako su to uradile i druge firme/preduzeća. Ovo tretirati kao i sve ostale usluge koje su bile oko čišćenja grada. Da se zaduži Načelnik sa resornom Službom i KJD, da dogovori do slijedeće sjednice OV, način i iznos za umanjenje, subvenciju ili eventualno storniranje računa za vodu zbog plaćanja PDV-a, odnosno da se terete građani i privredni subjekti za vodu i odvoz smeća na nivou koji su ostvarivali do poplave, a razlika da se na neki način refundira.
14. OV verifikuje formiranu komisiju za kategorizaciju oštećenih u poplavama i klizištima i izradu kriterija za dodjelu novčane i materijalne pomoći, te predlaže da se eventualno proširi i da u radu učestvuju Predsjedavajući OV i Općinski načelnik
15. OV Maglaj je stava da je status građana iz MZ Bradići isti kao i svih ostalih koji su iselili iz svojih stambenih jedinica zbog poplave i klizišta.
Kriteriji za raspodjelu pomoći za sanaciju šteta nastalih uslijed poplava i klizišta

1. Pomoć se može dodijeliti samo vlasnicima poplavljenih objekata, bez obzira na broj porodica koje u istom žive, obzirom da se radi isključivo o građevinskoj sanaciji i jednom stambenom objektu.

2. Novčanu pomoć ili pomoć u građevinskom materijalu i robama dijeliti po naseljenim mjestima, mjesnim zajednicama i gradu shodno procentu učešća broja poplavljenih stambenih objekata u ukupnom broju poplavljenih stambenih objekata na području općine.

3. OV predlaže da Služba za urbanizam, geodetske i imovinsko pravne poslove predloži 6-10 kvartova/zona kako bi se za isti angažovali povjerenici u MZ Maglaj grad. Da Načelnik hitno preko sredstava informisanja : Maglajske RTV, Maglaj net-a, na stranici Općine objavi javni poziv kako bi se javili zainteresovani za rad u povjereništvima.

4. OV Maglaj podržava prijedlog Načelnika vezano za utvrđivanje kriterija za dodjelu novčanih sredstava za građevinsku sanaciju stambenih objekata, kako slijedi:

1. Nivo vode do 0,50 m
 - do 60 m² iznos od _____ KM
 - preko 60 m² iznos od _____ KM
2. Nivo vode od 0,50 m
 - do 60 m² - iznos od _____ KM
 - preko 60 m² - iznos od _____ KM
3. nivo vode od 1-1,5m
 - do 60 m² - iznos od _____ KM
 - preko 60 m² - iznos od _____ KM
4. nivo vode preko 1,5m
 - do 60 m² iznos od _____ KM
 - preko 60 m² iznos od _____ KM

NEPOMENA: Kolegij OV Maglaj, prihvata kriterije a da se iznosi sredstava odrede poslije Donatorske konferencije.

- **Zahtjev Grupe privrednika iz grada Maglaja**

16. OV Maglaj podržava zaključke Komisije za privredu, prostorno uređenje, urbanizam, i zaštitu okoliša, uz obavezu dorade matične evidencije za privredne subjekte (prezentiranih 296 subjekata) sa slijedećim podacima:

- broj zaposlenih u privrednom subjektu
- ostvarenim prometom od 1.1. do 30.4. 2014.godine
- plaćenim obavezama na plate
- plaćenom PDV za one koji su u sistemu PDV
- stanje zaliha robe sa 31.12.2013.godine
- stanje potraživanja sa 31.12. 2013.godine
- vrijednost stalnih sredstava i inventara sa 31.12.2013.godine
- terećenje subjekta po osnovama za općinske takse
- da li je privredni subjekat krenuo ponovno sa radom
- da li je subjekat odjavio radnike

17. Podržavaju se zahtjevi privrednika za rješavanje pitanja u smislu oslobađanja pojedinih taksi i na nivou Općine i upućivanje inicijative na više nivoe vlasti .

18. Da se pristupi rješavanju putne komunikacije u n/m Pervani i Bradićima, kao i određenim ulicama na prostoru samog grada i prigradskih naselja, a gdje je potreban samo nasipni materijal, kao i lokalni putevi koji su prohodni samo za suha vremena.

19. Da se pristupi čišćenju gradskog groblja, da se opredijeli grupa radnika koji su angažovani na pomoći u čišćenju i raščišćavanju grada.

DOSTAVLJENO:

1. Svim službama
2. Općinski načelnik
3. Općinsko vijeće
4. Arhiva

PREDSJEDAVAJUĆI OV,
Marko Zelić